

Un di e asociacionnan di turismo mas bieu den Caribe

Ahata ta celebra 40 aña na October



ORANJESTAD (AAN): Aruba Hotel & Tourism Association, AHATA, ta celebrando 40 aña na October. El a worde estableci na 1966 como Aruba Hotel Association.

Despues, na 1987, pa e por

hancha e alcance di su organizacion y inclui mas miembrosnan di negoshinan cu tin di haci cu turismo, e nomber a worde cambia pa AHATA, Aruba Hotel & Tourism Association.

Miembronan original,

hoteleronan Ike Cohen y Publicista Rory Arends, kendenan ainda ta masha activo, ta raporta cu Cactus Inn, Hotel Nassau, Coral Strand Hotel y Aruba Caribbean tabata e prome miembronan pa uni. Nan tabata tin nan bista riba un futuro prospero y nan a compronde cu turismo eventualmente lo bira e pilar economico mayor di e isla.

E simiyanan di colaboracion entre e sector priva y e sector publico a worde introduci na 1966 caba, ora Rory Arends, e tempo ey Commissionaire di Turismo y un oficial di gobierno, a uni su mes na e directiva di AHA como comisario. E hoteleronan y e representantenan di gobierno a mara huntu, determina na explora avenidanan di mercadeo pa e isla su industria di hospitalidad surgiendo.

Incidentalmente, Arends despues lo bira AHATA su CEO, y supervisa e expan-

sion di AHATA su rol den a añanan 90s. Hotelero local Ike Cohen a bay pa bira e prome recipiente di Caribbean Hotel Association pa ricibi e premio di Golden Conch, tempo cu e premio regional a worde crea na 1978.

AHATA su prome sede modesto tabata situa na Bubali, den un oficina chiquito na cual cariñosamente nan tabata referi como Bubali Hilton. E oficina despues a muda pa cas di e administrador. Henk Smouter kende a sirbi e organizacion pa 13 aña, tabata usa su residencia priva como AHATA su centro di comando.

Mientras e organizacion a sigui crece, el a move bay den un edificio historico na Eagle, unda e ta operando ainda. E cas di guardia bieu di e refineria na Eagle a worde gehuur prome, despues cu ayudo di Caribbean Mercantile Bank, cumpra y renova pa por contene e centro di nervio di hospitalidad na Aruba, convenientemente localisa djies algun stap di gobierno su Aruba Tourism Authority.

Hopi nombrenan famoso, movers y shakernan di e comunidad aki, a bay door di un fase di AHATA algun tempo durante nan carera ilustre, algun den un posicion ehecutivo - Michael Kuiperi, Anabela Peterson, Adwina Arends, Fritz Israel; algun como Presidentenan di e Asosacion - Jan de Ruiter, Brian Reeves, Gerrit Grif-fith, Ed Malone, Hendrick Santos, Eduardo de Veer, Alex Nieuwmeyer y for di fin di 2004, Jeff Lesker.

Cambionan significante recién den AHATA su structura a worde haci pa Presidente y CEO actual Jorge Pesquera.

Nan proposito tabata pa duna sosten di mercadeo y servicionan di miembrecia esplendido, distingiendo AHATA como un di e asosacionnan principal di hotel y turismo den Caribe.

AHATA awor ta host e completamente re-organiza Aruba Meeting & Convention Bureau, cu Vice Presidentenan Mayline Menendez y Donna Del Gallo, ehecutivonan Charly Ibbara y Adwina Arends. Nan ta asigna tremendo

responsabilidadnan den opera un dinamico organizacion di mercadeo full time, bow di liderazco di Scott Wiggins, Director Mayor di Benta y Mercadeo pa Norte America y Director di Operacionnan pa Aruba Meetings and Convention Bureau.

Den oficina Dyane Vis, Nathaly Wouters, Francie Croes y e semper servicial Anky Nucete como tambe e hotelero Ed Malone, na encargo di proyectonan special, ta haci nan parti den sostene e organizacion cu ta consisti di aerolinianan, atraccionnan, banconan, car rentalnan, companianan di comunicacion, companianan di maneho di destinacion, organizadorman di casamento, restaurantnan, publicacionnan banda di naturalmente hotelnan, resortnan y companianan desaroyador. Un total di 81 miembronan local y 8 di afor di Aruba.